

qui inculpata vita. Tales semper accedant: qui verò tales non sunt, ne semel quidem. Judicium enim sibi sumunt & condemnationem. Quemadmodum enim escanatura ad nutriendum apta, si in eum, qui cibum fastidit, incidit, omnia perdit, atque corrumpit, fitque morbi occasio: Sic etiam tremenda mysteria. Mensa fruere spirituali, mensa regia, & rursus permisceas cœno. Corpus unguento oblinis, & iterum fœtore imple. Si anno expleto communionem utaris, putas satis tibi esse ad purgationem peccatorum cujusvis temporis. Et iterum septimana præterita ad priora redis. Dic, quæso, si ex diuturno morbo ad quadragesimum diem convaluisti, & ad ea, quæ morbum procreant, reverteris, nonne priorem etiam laborem perdidisti? Quod si naturalia mutantur, quanto magis spiritualia, vel ut planè dicam, voluntaria? Et si corpus olet, ne communes quidem cibos capit. Cum verò tantus fœtor in anima est, mysteria participare audes? Dic mihi, qualem etiam veniam consequeris? Inquit enim divinus Apostolus: Qui manducat, & bibit indignè, reus tenebitur corporis & sanguinis Domini, hoc est, eandem dabit pœnam, quam persolverant hi, qui crucifixerunt CHRISTUM. Ut enim illi jugulatores rei sunt sanguinis: Sic etiam hi, qui indignè participant mysteria. Sicut enim sive quis purpuram regiam dirumpat, sive luto contaminet, æquè contumelia afficit Regem, qui induit illam: Ita sanè hic etiam, & qui peremerunt corpus dominicum, & qui mente impura sumunt, æquè ludibrio habent indumentum regium. Diruperunt itaque illud Judæi cruce, contaminat verò impurus, qui id accipit, animo. Proinde quamvis diversa sunt delicta, par est tamen contumelia. Hoc multos pupugit, hoc multos turbavit, discruciauit conscientiam

*Comparatio cibi corporalis & mystici.*

*Terret misericordis iudicium.*

*Epiphonema.*

B 3

audien-